

Basa Sunda - Rohani Perang Perkenalan Kitab Suci - SW Intro Scriptures

Lukas 17:5 Rasul-rasul mihatur, “Jungjunan, pasihan abdi-abdi iman kapercayaan.”

Rum 10:17 Padahal iman kapercayaan teh asalna tina ngadenge, ari anu kudu didengena, nya eta dawuhan Al Masih.

Lukas 11:1 Hiji mangsa Isa neneda di hiji tempat. Anggeus neneda-Na aya murid anu mihatur, “Jungjunan, ajar abdi-abdi neneda, sapertos Yahya ka murid-muridna.”

1 Timoteus - 1 Timoteoes 2:1-4 Nomer hiji bapa menta malar hidep mangnedakeun, mangdoakeun, mangnyuhunkeun, jeung mangnuhunkeun sakabeh jelema, 2 kapala-kapala nagara jeung anu nyarangking pamarentahan. Sambat, suhunkeun ka Jehovah, mugi-mugi urang bisa hirup ayem tengtrem tur bisa nekanan hirup saleh kalawan mulya. 3 Paneda kitu tangtu didangu ku Jehovah, Juru Salamet urang, 4 anu mikersa sangkan sakabeh jelema salamet jeung aranut kana kayaktian Mantenna.

Lukas 22:31 Simon, Simon! Tuh Iblis geus ngincer ka maneh, rek ditapikeun kawas ka gandum.

Djakaria 3:1,2 - Yudas - Joedas 1:9 Padahal Mikail ku anjeun, anu jadi kapala malaikat, nalika padu jeung Iblis marebutkeun layon Nabi Musa teu wantuneun ngahina ninggangkeun hukuman ka manehna; anjeunna ukur sasauran kieu: “Aning Pangeran anu baris ngahukum ka maneh.”

Efesus 6:12 Sabab anu diayonan ku urang teh, lain papada mahluk tina daging jeung getih, tapi bangsa gegedug-gegedug, nu karawasa, nu ngagareugeuh karajaan-karajaan poek kiwari, sarta roh-roh jahat ti alam gaib.

Efesus 6:10,11 Pamungkas, dulur-dulur, aranjeun teh kudu kuat, tapi kuatna teh kudu lantaran muntang ka Al Masih anu kawasa. 11 Gunakeun sakabeh pakarang jurit ti Jehovah, supaya sanggup ngayonan akal tipu muslihat Iblis.

Efesus 6:13-17 Ku sabab kitu, gunakeun sakabeh pakarang ti Jehovah, supaya dina mangsa datang panarajang, aranjeun bisa tagen sarta bisa unggul. 14 Sing tarapti. Dangdanan jeung pakarang anu kudu dipake teh nya eta: Kayaktian lir sabukna sarta kaadilan, lir tameng dadana; 15 kaiklasan nyebankeun Injil-karukunan lir tarumpahna; 16 Iman urang, lir

tamengna nu sanggup mareuman jamparing-jamparing seuneu si Jahat; 17 Kasalametan, lir balakutak panutup sirah; ari pedangna, nya eta Ruh, tegesna Pangandika Jehovah tea.

Ibrani 4:12 Pangandika Jehovah teh, saestu hirup tur kawasa; leuwih seukeut alah batan ti pedang anu dua pangadekna, bisa parat kana puseurna nyawa jeung roh, sanggup tembus kana sungsum reujeung tulang, sanggup maca kalayang taliti sagala angen-angen jeung pipikiran manusa.

Lukas 4:8 Waler Isa, “Cek Kitab: ‘Maneh kudu nyembah ka Jehovah, Pangeran maneh sarta ngan ka Anjeunna bae maneh kudu ngabakti.’ ”

Efesus 6:18 Salawasna kudu neneda, muntang kana panuyunna Ruh. Jadi, sing waspada salalawasna jeung ulah kendat-kendat neneda ka Jehovah pikeun kasalametan sakumna umat Mantenna.

1 Samoeel 17:45-47 Ngadjawab Dawoed ka oerang Pelisti teh: Maneh datang ka kamimawa pedang, toembak djeung tohok; sabalikna kami mah datang ka maneh mawa padjenengan Pangeran sawadya-balad, Jehovah barisan Israil, noe dihihina koe maneh teja. 46 Poe ijeu maneh koe Pangeran tangtoe diserahkeun ka leungeun kami, sarta maneh koe kami dipaehan, djeung hoeloe maneh disingkirkeun ti diri maneh; ari bangke wadya-balad oerang Pelisti poe ijeu koe kami tangtoe dibikeun ka manoek awang-awang djeung ka sasatoan boemi; sarta saboemi kabeh bakal pada nganjahokeun, jen bangsa Israil teh aja Jehovah; 47 djeung ijeu sapakoempoelan kabeh bakal pada nganjahokeun, jen Pangeran njalametkeun teh lain koe pedang atawa koe toembak; karana Pangeran noe kagoengan perang, sarta maraneh koe andjeunna tangtoe dipaparinkeun ka leungeun kami sakabeh.

Lukas 10:17-20 Murid-murid, anu tujuh puluh tea, geus baralik semu gumbira. “Jungjunan,” cek maranehna “setan-setan oge taluk ka abdi sadaya pedah nguping jenengan Jungjunan!” 18 Saur Isa, “Ku Kami katenjo si Iblis ragrag lir kilat ti langit. 19 Saenyana maraneh ku Kami geus dibekelan kawasa pikeun nincakan oray jeung kalajengking, nya kitu deui kakuatan pikeun ngalawan kakuatan musuh, nepi ka euweuh bahayana ka maraneh. 20 Tapi bungah teh, ulah pedah roh-roh tea taraluk ka maraneh; kudu bungah teh ku sabab ngaran maraneh geus aya dina daptar di sawarga.”

2 Korinta 10:3-5 Memang simkuring oge jalma lumrah, nya eta tina daging jeung getih; tapi bajuangna simkuring teh, lain katarik ku pangabutuh jasmani. 4 Pakarang anu dipake ku simkuring, lain buatan manusia; tapi

kakawasaan Jehovah, anu sanggup ngancurkeun benteng-benteng, numpes akal-ekol palsu, 5 sanggup ngabedah tiap-tiap hahalang anu mendetan usaha jalma pikeun nyaho saha Jehovah teh. Sanggup ngaboyong sagala pikiran jeung angen-angen manusa sina aranut ka Al Masih.

Mateus 16:19 Maneh ku Kami arek dipasrahan konci Karajaan Sawarga.

Anu ku maneh dibeungkeut di ieu dunya, bakal dibeungkeut di Karajaan Sawarga. Anu ku maneh diudar di ieu dunya, di Karajaan Sawarga oge bakal diudar.”

2 Timoteus - 2 Timoteoes 1:7 Nu dipaparinkeun Jehovah ka hidep teh, lain roh anu kecing; tapi Ruh anu ngahudang wawanen, kanyaah, jeung matak bisa ngadalian diri.

Mateus 12:28,29 Tapi lantaran Kami ngusir setan teh ku kawasana Ruh Jehovah, ceuk Kami ka maraneh: Eta nandakeun yen Karajaan Jehovah teh geus tepi ka aranjeun. 29 Rek kumaha bangsat bisa ngagadabah imah jelema gagah, niat ngaringkid harta bandana; iwal ti ku nalikung heula jelema gagah tea? Sanggeus ditarogod nu boga imahna, kakara imahna bisa dirampog.

Efesus 1:13 Dina kamanunggalan jeung Al Masih oge, Aranjeun teh percaya sanggeus meunang uaran anu sajatina hal pisalameteun aranjeun; dina kamanunggalan jeung Al Masih oge, Aranjeun teh, geus diterapan cap Ruh Jehovah sakumaha anu geus dijangjikeun.

Carios Padamelan - Para Rasoe 19:6 Sabot keur ditarumpangan leungeun ku Paulus, lungsur bae Ruh Jehovah ka maranehna; tuluy maranehna barisa nyarita ku basa ajib jeung narubuwat.

Markus 16:15-18 Saterusna, Anjeunna ngadawuh, “Maraneh ku Kami rek diutus. Jugjug sakuliah dunya, embarkeun Injil ka umat sakumna. 16 Bagja salamet sing saha nu percaya kana eta uaran sarta dibaptis; sabalikna, cilaka anu embung percaya sabab baris dihukum. 17 Golongan nu percaya bakal kaancikan ku kakawasaan gaib: Bisa ngusir setan-setan ku nyambat jenengan Kami, bisa ngomong basa-basa ajaib nu araneh. 18 Maranehna bakal wani newak oray matih, moal nepi ka binasa sanajan nginum racun keras; ana leungeunna dipake nyabak nu gering, nu gering teh terus cageur.”

1 Yahya - 1 Johannes 1:9 Sabalikna, upama urang balaka ngaku dosa ka Mantenna; tinangtu, ku Mantenna, baris dihampura jeung kadorakaan urang teh dipupus; karana Jehovah teh, adil tur satia tuhu kana jangji.

2 Moesa 20:5 Poma-poma noe kitoe koe maneh oelah disembah sarta oelah

dibakti; karana kami, Pangeran, Jehovah maneh, nja Jehovah anoe goemati, anoe manggihkeun kasalahan bapa-bapa dina anak-anakna, kana toeroenan katiloe djeung kaopat, sakoer noe geuleuh ka kami;

Djaboer 109:17 - Yakobus - Jakoboes 3:10 Nya pamuji sukur nya panyapa, ngaburulana tina sungut eta-eta keneh. Dulur-dulur ulah nepi ka kitu.

Para Hakim 16:16 - 2 Petrus - 2 Petroes 2:7,8 Anu dirahayukeun tina eta hukuman ngan Elut, jalma anu ibadah. Di eta nagara, Elut teu eureun-eureun asa kasiksa ku kalakuan-kalakuan urang dinya anu teu ngendahkeun hukum jeung ngan ngalajur napsu jahatna bae. 8 Ma'lum anjeunna hirup di masarakat anu siga kitu, unggal-unggal poe nyaksian kalakuan anu jarahat, teu araruni, nepi ka jiwa Elut kacida kasiksana.

Efesus 4:26 Mun aranjeun pareng ambek, omat, ulah katalanjuran nepi ka jadi dosa. Memeh panonpoe surup, ambek oge kudu geus sirna.

Rum 14:12 Jadi, urang teh moal bisa sumingkir deui; kudu tanggung jawab kana laku lampah masing-masing.

1 Yahya - 1 Johannes 2:23 Sabab sing saha anu nampik ka Putra, tegesna nampik ka Anu jumeneng Rama. Sing saha anu narima ka Putra, tegesna narima ka Anu jumeneng Rama.

Yahya - Johannes 14:6 Waler Isa, "Kapan Kami anu jadi jalanna, nu jadi kayaktian, jeung sumbering hirup teh. Ku sabab eta, lamun henteu make jalan Kami, pamohalan aya anu bisa datang ka Rama.

Mateus 11:28-30 Hiap ka dieu ka Kami, sakur nu mopo sarta kalempohan jeung nu loba kabeubeurat, ku Kami maraneh rek sina reureuh. 29 Geura pake, — ku maraneh — ieu pasangan Kami; jaba ti eta, seug, guguru oge ka Kami, — sabab Kami mah lemah lembut tur rendah hate — supaya batin maraneh manggih katengtreman. 30 Sabab pasangan ti Kami mah, genah jeung momotanana ge hampang.

2 Korintha 6:2 Kieu timbalana-Na: 'Upama geus tepi ka wanci, maraneh tangtu dikabul ku Kami. Samangsa cunduk waktu rahayu, maraneh tangtu dirahayukeun.'

Rum 10:13 Sabab sing saha anu sumambat ka pajenengan Pangeran, tinangtu disalametkeun.